

Синвуос али но уг куасьмо

Любовь ТИХОНОВА

**Йӧскалык библиоте-
калэн «Удмурт шаер»
клубаз вуылйзы
Пермь улосысь Чай-
ковский городысь
паймымон нылкыш-
ноос - Валентина Ари-
стова но Татьяна За-
белина. Чечня ожтӧс
пуромон вакытэ соос
пӧсь тылэ но, вуэ но
пырыз, но пиоссэс
улӧпкын шедьтйзы.**

Татьяна Забелина выжыезъя зуч, Пермь улосын вордскемын, нош Валентина Аристова вордскемын но быдэ вуэмын Пичи Пурга ёросысь Шор Кечол гуртын. Кык пиоссэ - Аликсэ но Сергейзэ - огназ будэтйз. Быдэ вуизы но, кыкназэс ик армие басьтйзы. Огзэ - Таджикистанэ, мукетсэ - Чечняе.

- Быдэс Чайковский городзэ, отысь военкоматын ужасьсты, армиын служить ка-



рись пиослэсь анай-атайӧс-сэс пыд йылазы жутймы, - шуэ Валентина Петровна. - Одыг нунал, быдэс автобус сиён-юон, эмъям но шуныт пӧзь-пыдвыл люкаса, ми

**Чайковскийысь В. Аристова
вера пизэ угчаса Чечня оже ву-
ылэмез сярись.**

Татьяна Забелинаен сюрес вылэ потймы. Автобусмы сюрес вылын тйяськиз. Миле-

мыз, валамон ини, нокин но автобусэн Чечняе мыныны ӧз лэззы. Кыззы берен доре бертод? Мар анайӧслы вералод? Туж возыт луоз ук. Ми соку Чечняын служить карись пиослэн анайӧсынызы комитет кылдытм ни вал. Кутскем ужмес йылаз-пумаз вуттытэк ум дугдэ, шуми, кутм но самолётэ билет басьтм. Озы ми сӧрамы Лысва городысь Люба Лобанова мынйз на, Грозное вимы. Пиосмылэсь 165 номеро полксэс шедьтм. Но кӧня соосты угчано луиз! Со куспын мае но ӧм адже: пыдтэм-куктэм солдаттӧс, йырӧссы биньылэмын, отй ик танктӧс кошко, ыбылйсько. Пиосме шедьто-а, уг-а, зӧчкын бертыны кылдйз ке, одно ик нылпи юртысь пи но ныл вордыны басьто, малпай. Соосты но кин ке вордйз ук, югыт дуннее улыны кылдытйз.

Нылкышно озы ик кариз: пизэ но шедьтйз, Пермьысь нылпи юртысь ныл но пи но вордыны басьтйз. Сергейлы соку 11 арес вал, нош Светалы - 6. Табере со нылпиос быдэ вуизы ини, кыкназы ик Пермьын уло.

Татьяна Забелина но пизэ шедьтйз, но солдаттӧс доразы ӧз бертэ, кытчы эштӧсмес кельтом, война бырытозь ожмаськом, шумизы.

Валентина Аристова-лэн Чечняе оже вуылэмез сярись Елена Миннигараева «Кытын тон, пие?» повесть гожтйз. Елена Васильевна вакчияк мадиз Валентина Аристоваен пумиськемзы но повестьлэн кылдэмез пумысен.

Кышкыт оже вуылэм нылкышноослы жытбыт юантӧс сӧтъязы, анай сюлэмлэн чидась но либыт лүэмезлы паймыса.***